

BOSNA I HERCEGOVINA
FEDERACIJA BOSNE I HERCEGOVINE
VLADA
GENDER CENTAR
FEDERACIJE BOSNE I HERCEGOVINE

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT
GENDER CENTER OF THE FEDERATION
OF BOSNIA AND HERZEGOVINA

**VODIČ
ZA PRISTUP INFORMACIJAMA U GENDER CENTRU
FEDERACIJE BOSNE I HERCEGOVINE**

ADRESA: GENDER CENTAR FEDERACIJE BOSNE I HERCEGOVINE
ul. Hasana Kikića br. 18
Sarajevo

SLUŽBENICA ZA INFORMIRANJE: Vikica Šunjić
e-mail: vikica.sunjic@gcfbih.gov.ba, telefon: 033 665 883, fax: 033 265 200,
Adresa: Hasana Kikića br. 18, www.gcfbih.gov.ba.

Sadržaj

1. UVODNE NAPOMENE.....	3
2. PRAVO NA PRISTUP INFORMACIJAMA.....	3
3. NAČIN NA KOJI ĆETE OSTVARITI PRISTUP INFORMACIJAMA.....	4
4. POSTUPANJE PO KOMPLETNOM PISMENOM ZAHTJEVU.....	5
5. MOGUĆNOST USMENOG PRIOPĆENJA INFORMACIJE.....	5
6. PRAVO NA IZMJENU I DAVANJE PRIMJEDBI NA OSOBNE INFORMACIJE.....	6
7. OBRAZAC ZAHTJEVA ZA PRISTUP INFORMACIJAMA.....	7
8. INDEKS REGISTAR.....	8

1. UVODNE NAPOMENE

U skladu sa odredbama Zakona o slobodi pristupa informacijama u Federaciji Bosne i Hercegovine („Službene novine Federacije BiH“, br. 32/01 i 48/11 – u daljem tekstu: Zakon o slobodi pristupa informacijama) izrađen je ovaj Vodič.

Svrha ovog Vodiča je uputiti zainteresirane subjekte na koji način mogu pristupiti informacijama koje su u posjedu i pod kontrolom Gender Centra Federacije Bosne i Hercegovine (u daljem tekstu: Gender Centar).

Ovaj Vodič sadrži:

- okolnosti pod kojim vam pristup zahtijevanoj informaciji može biti uskraćen
- instrukcije za sačinjavanje zahtjeva za pristup informacijama,
- procedure i rokove kojih se mi moramo pridržavati tokom obrade vašeg zahtjeva;
- instrukcije o podnošenju žalbi na odluke koje su donesene u skladu sa Zakonom o slobodi pristupa informacijama;
- obrazac za popunjavanje zahtjeva;
- indeks registar podataka kojima raspolaže Gender Centar.

Vodič je besplatan, možete ga dobiti u prostorijama Gender Centra i na web stranici www.gcfbih.gov.ba.

Za sva dodatna pitanja o informacijama u posjedu Gender Centra možete se obratiti na kontakte navedene na naslovnoj strani ovog vodiča.

Popis vrsta informacija koje možete dobiti u Gender Centru naveden je u dodatku ovog vodiča pod nazivom „Indeks registar“, koji je također besplatan, a možete ga preuzeti u prostorijama Gender Centra ili sa web stranice www.gcfbih.gov.ba.

Sjedište Gender Centra je u Sarajevu, ulica Hasana Kikića br. 18.

2. PRAVO NA PRISTUP INFORMACIJAMA

U skladu sa Zakonom o slobodi pristupa informacijama, izvješćujemo Vas da imate pravo na pristup informacijama koje su u posjedu Gender Centra, osim u slučaju kada Gender Centar za određenu informaciju utvrdi da predstavlja, u skladu sa Zakonom, izuzetak od objavljivanja, što procjenjuje i odobrava ravnateljica Gender Centra.

Utvrđivanje izuzetaka

Izuzeci se, u skladu sa Zakonom, mogu utvrditi u sljedećim slučajevima:

1. Izuzetak u vezi djelokruga Gender Centra (interesi obrane i sigurnosti, kao i zaštita javne sigurnosti; sprječavanje kriminala i otkrivanje kriminala; zaštita postupka donošenja odluka u Gender Centru, uključujući davanje mišljenja, savjeta ili preporuka, s tim da to ne obuhvata činjenične, statističke, znanstvene ili tehničke informacije) i to samo u slučaju kada Gender Centar, utvrdi da se saopćavanjem informacije osnovano može očekivati izazivanje značajne štete za legitimne ciljeve Federacije (član 6. Zakona);

2. Izuzetak u vezi sa povjerljivim komercijalnim informacijama. U tom slučaju, Gender Centar je dužan bez odlaganja izvijestiti treću stranu o pojedinostima zahtjeva i upozoriti je da će tražena informacija biti saopćena, ukoliko treća strana u roku od 15 dana ne izvijesti Gender

Centar da je informacija povjerljiva i navede razloge zbog kojih bi njenim saopćavanjem mogla nastupiti šteta (član 7. Zakona);

3. Izuzetak kod zaštite privatnosti. Gender Centar će odbiti saopćavanje informacije, ukoliko utemeljeno utvrdi da informacija uključuje lične interese koji se odnose na privatnost treće osobe (član 8. Zakona).

Gender Centar će objaviti informaciju, u cijelosti ili djelomice, ukoliko to nalaže javni interes (svako nepoštivanje zakonske obaveze, postojanje bilo kakvog prijestupa, nepravde, zloupotrebe vlasti ili nemara u obavljanju službene dužnosti, neovlaštenog korištenja javnih fondova, opasnosti po zdravlje ili sigurnost pojedinca, javnosti ili okoline) i u slučaju kada utvrdi postojanje temelja izuzeća informacije od objavljivanja, a što je regulirano članom 9. Zakona. U tom slučaju, ukoliko se radi o povjerljivim komercijalnim informacijama (čl. 7. Zakona) ili informacijama koje se odnose na privatnost treće osobe (čl. 8. Zakona), **Gender Centar je dužan rješenjem izvijestiti treću stranu da će informaciju priopćiti po isteku roka od 15 dana od dana prijema tog rješenja.** Navedeno rješenje treba da sadrži pouku o pravu na žalbu, naznaku i adresu Gender Centra, rok i troškove za podnošenje žalbe, kao i uputu o pravu obraćanja Instituciji ombudsmena/ombudsmana Bosne i Hercegovine, s naznakom neophodnih podataka za kontaktiranje Institucije ombudsmena/ombudsmana Bosne i Hercegovine.

3. NAČIN NA KOJI ĆETE OSTVARITI PRISTUP INFORMACIJAMA

Da biste ostvarili pravo na pristup informacijama koje su u posjedu Gender Centra, prvo trebate uputiti pismeni zahtjev na jednom od službenih jezika u Federaciji Bosne i Hercegovine.

Zahtjev za pristup informacijama mora sadržavati:

- Ime i prezime, kao i adresu podnosioca zahtjeva. Ako je moguće, treba unijeti i kontakt telefon, na koji se podnosilac zahtjeva može kontaktirati u toku radnog vremena (radno vrijeme Gender Centra je od 8,00 do 16,00 sati, svakim radnim danom),
- Naziv organa kojemu se upućuje zahtjev, kao i naznaku da se upućuje službeniku/službenici za informiranje,
- Broj kopija tražene informacije,
- Dovoljno podataka o prirodi i sadržaju tražene informacije.

Ukoliko se zahtjev odnosi na osobnu informaciju, zahtjev može podnijeti isključivo osoba na koju se informacija odnosi, njen zakonski zastupnik ili punomoćnik.

Osoba koja podnosi zahtjev i na koju se zahtijevana informacija odnosi dužna je službeniku za informiranje predložiti osobnu kartu ili drugi osobni dokument sa fotografijom.

Ukoliko zahtjev podnosi zakonski zastupnik ili punomoćnik, uz zahtjev je potrebno priložiti i dokaz o zakonskom zastupanju, odnosno punomoć, te svojeručno potpisati zahtjev i predložiti svoju osobnu kartu ili drugi osobni dokument sa fotografijom, kao i kopiju osobne karte ili drugog osobnog dokumenta sa fotografijom podnosioca zahtjeva.

Ukoliko vaš pismeni zahtjev za pristup informacijama ne ispunjava jedan od navedenih formalnih uvjeta (nije potpun), Gender Centar će Vas o tome izvijestiti rješenjem, a najkasnije u roku od osam dana, od dana prijema zahtjeva, ukoliko ste u zahtjevu naveli adresu prebivališta ili boravišta. Navedeno rješenje sadrži pouku o pravu na žalbu, naznaku i adresu organa kojem se žalba podnosi, rok i troškove za podnošenje žalbe, kao i uputu o pravu obraćanja Instituciji ombudsmena/ombudsmana Bosne i Hercegovine, sa

naznakom neophodnih podataka za kontaktiranje Institucije ombudsmena/ombudsmana Bosne i Hercegovine.

Službenik/službenica za informiranje Gender Centra nije ovlašten/ovlaštena ispitivati opravdanost podnesenog zahtjeva.

Ukoliko podnesete zahtjev za pristup informaciji koja nije u posjedu Gender Centra, službenik/službenica za informiranje će vaš zahtjev uputiti nadležnom organu bez odlaganja, a najkasnije u roku od osam dana od dana primitka zahtjeva, o čemu ćete biti pismeno obavješteni.

4. POSTUPANJE PO KOMPLETNOM PISMENOM ZAHTJEVU

Kada Gender Centar u povodu Vašeg pismenog zahtjeva, odobri pristup traženoj informaciji, rješenjem će vas obavijestiti o mogućnosti osobnog pristupa informaciji u prostorijama Gender Centra, ili će vam traženu informaciju dostaviti pismeno, ukoliko informacija ne prelazi deset standardnih stranica A4 formata.

Ukoliko tražena informacija prelazi navedeni broj stranica, Gender Centar će Vas obavijestiti o mogućnostima umnožavanja i iznosu naknade za umnožavanje informacije, te će ista biti dostupna nakon podnošenja dokaza o izvršenoj uplati.

Obavještavamo vas da se, sukladno tački 5. Uputstva za provođenje Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj: 57/01), na standardnu veličinu kopija prvih deset strana A4 formata za traženu informaciju ne naplaćuje naknada.

Za svaku narednu stranicu informacije naknada iznosi 0,50 KM po jednoj stranici.

Ukoliko u Gender Centru postoji elektronska dokumentacija za informaciju koju tražite, Gender Centar će podnosioca zahtjeva obavijestiti o mogućnostima preuzimanja i iznosu naknade (5,00 KM po disketi ili disku), te isti ustupiti podnosiocu zahtjeva nakon podnošenja dokaza o izvršenoj uplati.

Ukoliko Gender Centar odbije zahtjev i uskrati pristup traženoj informaciji u cijelosti ili djelomično, mora podnosioca zahtjeva o tome obavijestiti rješenjem u roku od 15 dana od dana prijema zahtjeva, navodeći zakonski temelj za status izuzeća informacije u smislu ovog zakona, imajući u vidu i faktor javnog interesa.

Izuzetak od ovog roka je, ukoliko je prethodno, a u skladu sa Zakonom, potrebno dobiti očitovanje treće strane o suglasnosti za objavljivanje informacije koja sadrži povjerljive komercijalne interese, kao i u slučaju kada je Gender Centar dužan izvijestiti treću stranu da će radi postojanja javnog interesa ipak saopćiti informaciju koja je utvrđena kao izuzetak od saopćavanja.

Gender Centar je dužan podnosioca zahtjeva poučiti o pravu na prigovor, uz naznaku i adresu organa kojem se prigovor podnosi, rok i troškove za podnošenje prigovora. Protiv ovog rješenja možete podnijeti prigovor ravnateljici Gender Centra u roku od osam dana od dana prijema rješenja. Rješenje doneseno po prigovoru je konačno i protiv njega se može pokrenuti upravni spor kod nadležnog suda.

5. MOGUĆNOST USMENOG PRIOPĆENJA INFORMACIJE

Ukoliko cijenite da vam je dovoljno usmeno objašnjenje ili samo uvid u određene podatke odnosno informacije, molimo da se prethodno obratite službeniku za informiranje, koji će vas obavijestiti o mogućnosti i vremenu ostvarivanja traženog uvida.

6. PRAVO NA IZMJENU I DAVANJE PRIMJEDBI NA OSOBNE INFORMACIJE

Zakon vam, također, daje pravo kojim se osigurava da je vaša lična informacija točna, relevantna i da nije na bilo koji drugi način pogrešna. Nakon što ste pristupili ličnoj informaciji, možete zahtijevati izmjenu i/ili davanje komentara koji se dodaje na lične informacije. Ne postoji vremensko ograničenje u pogledu zahtijevanja izmjene vaše lične informacije. Iako imate pravo da tražite od Gender Centra da izmjeni ili ispravi vašu ličnu informaciju, Gender Centar nije dužan da to učini ako se ne slaže sa izmjenom koju ste vi predložili. Vi možete uložiti žalbu na takvu odluku.

Prilog:

- Obrazac zahtjeva za pristup informacijama
- Indeks registar

BROJ:03-34-255/14

DATUM:18.06.2014. godine

RAVNATELJICA

Ana Vuković

OBRAZAC ZAHTJEVA ZA PRISTUP INFORMACIJAMA

ime i prezime podnosioca zahtjeva

adresa

telefon

e-mail

Gender Centar Federacije Bosne i Hercegovine

Hasana Kikića br. 18, Sarajevo

N/r službenice za informiranje

PREDMET: Zahtjev za pristup informacijama

Molim Vas da mi omogućite pristup informaciji u skladu sa Zakonom o slobodi pristupa informacijama

Zaokružen je način na koji želim pristupiti informacijama:

- a) neposredan uvid
- b) besplatna kopija informacije do deset strana
- c) umnožavanje informacije

Ukoliko je potrebno platiti molim vas da me obavijestite o iznosu naknade.

mjesto i datum

Potpis podnosioca zahtjeva